

- (3) Ich sach mit mînen ougen
manne und wîbe tougen,
dâ ich gehôrte und gesach,
swaz ieman tet, swaz ieman sprach:
5 ze Rôme hôrte ich liegen
und zwêne künige triegen.
dâ von huop sich der meiste strît,
der ê wart oder iemer sît,
dô sich begunden zweien
10 pfaffen unde leien,
dâ was ein nôt vor aller nôt,
lîp und sêle lag dâ tôt.
die pfaffen striten sêre,
- doch wart der leien mêre.
15 diu swert legten si dâ nider,
si griffen an die stôle wider,
si bienen die si wolten
und niht den si solten.
dô stôrte man diu gotes hûs,
20 dô hôrte ich verre in einer klûs
vil michel ungebære.
dâ weinde ein klôsenære,
er klagete gote sîniu leit:
'owê, der bâbest ist ze jung,
25 hilf, hêrre, dîner kristenheit.'